

■劉佩玥及蔣家旻在劇中表現同樣突出。

33歲生日小方送花送蛋糕

陳滢即場獻唱嗌失禮 無意做歌手

陳滢、方力申（小方）、蔣家旻、劉佩玥（Moon）、林盛斌（Bob）及陳山聰等，昨到觀塘出席無線台慶劇《美麗戰場》宣傳活動，身穿吊帶低胸襯衫短裙現身的陳滢，上台時步步為營，不時用手遮住開衩位。活動上她又與劇中男友張馳豪（Aska）合唱劇集插曲，被阿Bob指她可以參加《中年好声音》。



■小方希望將來有機會與陳滢合唱。

獲封全劇最好睇CP的阿Bob及阿Moon，玩煮即食麵遊戲時，阿Bob更親手餵阿Moon食麵，而小方就餵女fans食麵，至於Aska的粉絲就掛住自拍，監製葉念琛見狀忍不住上前幫手揸機拍照，再同女粉絲合照。劇集進入結局周，葉念琛被追問結局是否Happy Ending時，他大賣關子說：「打死都唔會講。」

會後陳滢與小方一齊接受訪問，對於臨場被安排合唱，陳滢笑言獻醜、失禮，相信劇集播完應該沒機會再一齊唱首歌。問她會否參加《中年好声音》？「當然唔會，從來冇諗過做歌手，都係專心演戲。」

陳滢日前33歲生日，獲好友JW（王灝兒）、朱敏瀚和羅天宇等為她慶祝，壽星女穿上性感紅色吊帶低胸裙現身，她笑指當晚JW所訂的餐廳有現場樂隊演奏，令她誤會要穿得隆重，豈料同場人士個個穿牛仔褲，幸好後來王敏奕都穿裙赴會。問小方有何表示？「之前喺Bob屋企慶祝咗，送咗蛋糕同花，（禮物？）花已經係禮物。」陳滢說：「佢送咗蛋糕好食、咗花好靚，都收貨。」

問到劇集會否開拍第二

季？陳滢笑稱自己激怒了導演，恐怕第二季不會有「鍾家寶」出現。小方日前自爆拍《百分百感覺》時鍾意周勵淇，小方指之前已講過，但大家沒印象，又稱20年前拍戲經驗少，才會容易日久生情，但當時並沒向周勵淇表白，「公司同事覺得我收工後又唔肯走好奇怪，之後每日都逼我走，咁就潑熄咗我團火。（今次同陳滢拍劇，有冇被同事逼走？）入唔到位，因為太多人搵唔到機會。」

劉佩玥多咗賺外快機會

阿Moon在劇中表現突出，對於角色受觀眾喜愛，她多謝大家的支持，又稱劇集為她帶來不少賺外快機會，「阿Bob有問我有冇幾首飲歌，可能之後有機會登台，一齊做司儀會怠慢佢，都希望可以組CP檔就好。」問到可會找緋聞男友周志文一起練歌？她笑指會找姊妹何雁

詩、JW等練習，「女仔聲搵男仔練好奇怪。（他對你的聲線有何評價？）佢連我演出都好少睇，等我返去問下佢有冇睇呢套劇先。」蔣家旻在劇中因殺人而要走佬到台灣，問她下場如何？「我未死嘅，如果網民想我出嚟就返嚟，其實我係拍咗一場戲，但放嚟邊集就唔知，雖然角色好衰，但出街都有男人鬧，不過社交網就日日男人鬧兼被Unfollow，下次我個角色從良，大家又會Follow番我。」

丁子朗變乞丐 網民嗌抵死

《美麗戰場》進入結局周，由於盛傳有重要角色會於結局周離世，網上即時眾說紛紜，除了乜都夠膽死的「反骨琪」被指是終極Big Boss外，前晚最後一節以乞丐Look回歸的渣男裕進（丁子朗飾）亦並列終極Big Boss，有人猜測他會與「反骨琪」聯手報仇，亦有人揣測他會與「黑化阿寶」（陳滢飾）進行終極對決。對於裕進「丐化」，網民直指抵死，無綫娛樂新聞台前晚更釋出丁子朗變裝片段，原來他每次埋位前均需花兩小時化乞丐裝，由於與真人反差太大，除了同劇陳滢忍不住「食花生」，他在電視城遊走時，連昔日拍檔江欣燕及劉穎璇亦認不出他。



■丁子朗呢個乞丐Look應該阿媽都唔認得。

「北千手」不敵膀胱癌 楊群病逝美國終年88歲

金馬雙影帝楊群病逝美國洛杉磯，終年88歲。楊家友人證實，楊群對抗病魔一年多，近幾個月罹患膀胱癌並擴散至肺部，最後於24日凌晨2時許在妻子俞鳳至與子女陪伴下，病逝於洛杉磯的Cerritos市。據楊群友人表示，楊群與俞鳳至結髮60多年，女兒最近剛從香港赴美探視臥病在床的父親，家人對於他的過世感到非常悲痛。

楊群本名楊鵬舉，是香港邵氏影業元老之一。他在15歲加入電影圈，曾摘下第7屆和第11屆的金馬獎影帝，其生前的影視作品無數，在TVB劇集《千王之王》扮演「北千手」卓一夫更成為經典人物之一，近日無綫亦重播他有份參演的劇集《大都會》。有份參演《千》劇的任達華，大讚楊群為人風趣，樂於接近後輩，並且演技出色，絕對是影帝級。而《千》劇女主角汪明荃亦對楊群離世的消息感到難過。居住洛杉磯20多年的78歲金馬影后歸亞蕾表示疫情前，她與楊群經常聚會見面，印象中他待人親切、性格開朗，疫情期間也常電話聯絡，他是她非常崇拜的演員，記得他們合作一部電視劇有一場激烈的衝突戲，楊群為了追求逼真，摔倒在地傷到肋骨，送醫治療之後，竟回來繼續錄影。



■楊群15歲便入行，曾兩奪金馬影帝。

陳慧嫻hea住唱獲好評

陳慧嫻在內地綜藝節目《我們的歌》第二輪比賽中，跟孟慧圓合唱《給你一杯魔法藥水》，但演繹方式完全不同以往，以慵懶的聲音給整首歌曲帶來奇幻色彩，同台其他歌手對她的唱法給予了高度評價，蕭敬騰表示：「首先被編曲吸引，慧嫻在舞台上演繹得非常自在，很好聽、很舒服，是會一直循環的作品。」



張敬軒晉升最強KOL

張敬軒在新一季「十大KOL排行榜」中由上季第二位上升至榜首，成為「最強KOL」。軒仔一向是廣告商寵兒，在收到喜訊前，他有吸塵機、手提電話等新廣告陸續推出，而在吸塵機廣告中，他要與兩隻貓咪做對手戲，雖然與動物合作演出難捉摸，但在他不停安撫下，貓咪慢慢便適應環境，令拍攝順利。

